

CONVENIO DE COLABORACIÓN ENTRE A CONSELLERÍA DO MAR E A FEDERACIÓN GALEGA DE REDEIRAS ARTESÁS "O PEIRAO"

MEMORIA XUSTIFICATIVA

A directora Xeral de Desenvolvemento Pesqueiro DECLARA:

Que esta Dirección Xeral de Desenvolvemento Pesqueiro ven de formalizar coa Federación Galega de Redeiras Artesás "O Peirao" o instrumento convencional arriba referido por un período de vixencia que abrangue dende o 01.04.2026 ata o 16.12.2026.

Que o instrumento convencional ten por obxecto:

Establecer as condicións de colaboración entre a Consellería do Mar e a Federación Galega de Redeiras Artesás "O Peirao" co fin de financiar as inversións que leve a esta institución sen ánimo de lucro a acadar a mellora da competitividade.

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se ven de asinar se fundamenta no seguinte:

Que se trata dunha subvención nominativa porque na Lei 4/2025, do 23 de decembro, de orzamentos xerais da Comunidade Autónoma de Galicia para o ano 2026 figura a dotación orzamentaria no capítulo VII de Transferencias de Capital, 16.03.722A.781.0, proxecto 2014 00639, destinada a financiar convenios coas entidades do sector pesqueiro para realizar determinadas inversións.



E de conformidade co artigo 26 da Lei 9/2007 do 13 de xuño, de subvencións de Galicia, os convenios serán o instrumento habitual para canalizar as subvencións previstas nominativamente.

Neste ano 2026 a federación pretende seguir coa liña de apertura de mercados e procura de novos clientes e produtos así como seguir profundizando noutros mercados que poidan resultar de especial interese buscando sinerxias co sector na procura de oportunidades laborais para o colectivo.

Co proxecto deste ano 2026 consistente na participación na feira do sector pesqueiro CONXEMAR 2026 prevista para os días 6, 7 e 8 de outubro, preténdese establecer contactos cos operadores implicados no sector e crear sinerxias que permitan desenvolver colaboracións a presente e futuro, ampliando coñecementos e fortalecendo a presenza da federación en novos mercados e por ende ampliar a cota de mercado, fortalecendo vínculos con novos clientes e reforzando vínculos cos actuais.

Coa asistencia a esta feira pola entidade preténdese visibilizar a labor da federación de confección e mantemento de artes e aparellos de pesca e potenciar a importancia deste oficio no ámbito pesqueiro. Con ese fin pretenderase que por redeiras, membros das asociacións que conforman a federación, se realicen demostracións "in situ" do traballo artesanal e baseado en criterios de economía azul e circular e, informarse aos interesados da labor do colectivo así como do traballo que realiza a Federación Galega de Redeiras Artesás "O Peirao" como referente do asociacionismo.

Asemade, inténtase crear vinculacións con axentes do ámbito pesqueiro tanto de ámbito local, autonómico, nacional e internacional co fin último de buscar novos clientes e nichos de mercado que explotar polo colectivo e, asemade, facer unha labor divulgativa do traballo artesanal das asociadas da federación.



Así, a través desta acción pretenden mellorar a empregabilidade e empoderar ás traballadoras do colectivo que a integran co fin último de conseguir unha profesionalización real e efectiva.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo y do Consello 2014/23/UE y 2014/24/UE, do 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2 da Lei 1/2016, de 18 de xaneiro, de transparencia e bo goberno, estímase xustificado a sinatura do instrumento convencional, con exclusión doutras figuras.

E para que conste, asínase esta memoria, en Santiago de Compostela

A directora xeral de Desenvolvemento Pesqueiro

María de los Ángeles Vázquez Suárez
(asinado dixitalmente)

